

Protocol no. 107**Sezzüda da lündeschdi, 11 lügl 2011 – 20.00-22.00**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Claudia Luppi (protocol)

Protocol

Il protocol no. 106 da la sezzüda da lündeschdi, 4. lügl 2011 vain approvà.

934 SARAMANTAZIUN

Il capo saramantescha l'actuara cumünala nouveletta Claudia Luppi.

935 151 TIR DA SCHAIBGIAS
Reglamaint da tir da schaiibia Parnarsura

Il Cussagl cumünal piglia cogniziun dal reglamaint pel tir da schaiibia Parnarsura repassà. Quist reglamaint es impustüt a regard ils uraris d'avertüra dal tir da schaiibia plü restrictiv co l'andamaint fin uossa. Uschè as haja provvè da limitar las emissiuns da canera pels abitants da Sur En.

Il Cussagl cumünal decida da far bun il nouv reglamaint da tir da schaiibia Parnarsura.

936 830 TURISSEM
TESSVM – Dumonda per üna contribuziun extraordinaria per fabricar sü l'organisaziun da destinaziun (DMO)

La Tourismus Engadin Scuol, Samnaun, Val Müstair (TESSVM) fa la dumonda per üna contribuziun unica per cuvernar ils cuosts restants da la fundaziun da la DMO. La contribuziun per Sent, calculada a man d'üna clav da scumpart, importa fr. 8'356.55 .

Il Cussagl cumünal decida da dar liber il credit per quista contribuziun extraordinaria.

937 340 SPORT
Seilpark Engadin GmbH – Dumonda per traiget da Skateline
Sur En – Tramblai, stagiun d'inviern 2011/2012

La Seilpark Engadin GmbH fa la dumonda per pudair realisar per la stagiun d'inviern 2011/2012 üna via da patinar da Sur En aint a Tramblai e retuorn. I's trattess d'ün gir da s-chars 3 km chi gniss inglatschà sco traiget da Skateline.

Il Cussagl cumünal salüda l'iniziativa da vulair spordscher üna nouva attracziun sportiva e turistica. Causa cha quist implant nu chaschuna müdamaints restants illa natüra, decida il Cussagl cumünal da dar il permiss pel traiget da Skateline, resalv il dret da til revochar, scha quista sporta nun avess però d'as verifichar. La respunsabilità a regard la sgürezza dal traiget es dovair da la Seilpark Engadin GmbH.

La taxa da trattamaint importa fr. 50.--

938 340 SPORT
Sent in movimaint – Premis

La schefa da cultura e sport orientescha cha l'ultim ciclus da „Sent in movimaint“ saja serrà giò. Sco finischiun vegnan sports amo üna jada trais premis. La büs-cha porta furtüna a las seguaintas partecipantas : Vreni Conradin, Paula Vital e Susanne Ruben
Las vendschadras gnaran contactadas da la schefa da cultura e sport.

939 021

FABRICA

Plan da quartier Flüs – Prolungaziun mür

Sün intimaziun güstifichada da sar Rudolf Fliri decida il Cussagl cumünal cha'l mür e l'uschedit « Bündnerzaun » lung la parcella da la famiglia Fliri vegnan construits 5m plü lung sco progetats.

940 810.501.30

Protecziun da lavinias Sinestra

Nouva via d'access per l'hotel Val Sinestra

Causa cha'l Cussagl cumünal nun ha pudü aderir a la pretaisa da l'uffizi per natüra ed ambiant (ANU) da renatüralisar l'access vegl da l'hotel Val Sinestra davò cha l'access nouv füss realisà (vair protocol dals 4 lügl 2011), paress il proget da l'access nouv pel mumaint bloccà. Il Cussagl cumünal decida da tour sü danouvmaing contact cun l'ANU per tscherchar üna soluziun sufficiainta in quista chosa.

941 620

VIAS E PLAZZAS

Spostamaint d'access per la dita Schweizer – Credit fr. 16'500.--

Il plazzal da sport aint a Tuols e la dita Schweizer han la glistessa via d'access, quai chi maina adüna darcheu a disgusts tant pro'ls visitadurs dal plazzal da sport, sco eir pro la dita Schweizer. Il schef da fabrica orientescha ch'ün spostamaint da l'access per la dita Schweizer füss üna buna soluziun per evitar in avegnir eventuals conflicts.

Il Cussagl cumünal decida da dar liber ün credit da fr. 16'500.- pel spostamaint d'access per la dita Schweizer

942

ORIENTAZIUNS

1. Planisaziun da las localitats da scoula

Il capo orientescha davart üna sezzüda a Scuol a regard üna planisaziun da localitats da scoula. Il cumün da Scuol ha invidà als cumüns vaschins a quista sezzüda per gnir a savair lur sbögns da localitats da scoula pels prossems ons. Scuol ha il grond problem d'avair massa pacs locals da scoula i'ls prossems ons.

Per intant cuntainta la situaziun a Sent tant a regard las localitats da soula sco eir a regard il nomer da scolars chi admetta da manar 3 classas dal s-chalin ot. Il svilup demografic da nos Cumün nun es amo cuntschaint. Actualmaing piglia il cumün da Sent posiziun seguaintamaing :

- Il cumün da Sent nu po spordscher localitats da scoula ad oters cumüns.
- Ils scolars da Sent pon frequentar la scoula in cumün e nu ston occupar localitats da scoula d'utrò.

2. Tonnascha via champestra «Feldweg»

Illa sezzüda dals 21 gün 2011 ha decis I Cussagl cumünal da dozzar la tonnascha sülla via champestra sün 18 tonnas e da limitar la largezza sün 2.30 meters.

Il schef da strada orientescha cha'l dozzamaint da la tonnascha pretenda ouravant ün'expertisa d'ün perit tecnic per survgnir la garanzia cha la via cumporta ün augmoint da tonnascha.

L'actuara: